

Sakspapir

Saksbehandler	Arkiv	ArkivsakID
Anneli Vatile Lilletvedt	FE - 033, TI - &17	17/102

Saksnr	Utvalg	Type	Dato
029/2017	Formannskapet	PS	03.05.2017

Orienteringssaker

Forslag til vedtak:

Sakene vert tekne til orientering

Saksopplysningar:

Formannskapet - 029/2017

FOR - behandling:

Det er kome førespurnad frå privatperson om kommunen ynskjer å kjøpe husvære i Mo sentrum. Ass.rådmann gav ei orientering om status når det gjeld kommunale husvære. Formannskapet ser det ikkje som aktuelt no at kommunen kjøper bustad på den private bustadmarknaden. Ordførar svarer den som har førespurt.

Vatn og avløpsrør til Heiane: Ordførar orienterte om status. Det er gjort eit arbeid med å sjå på alternative omleggingsvegar for VA-rør til Heiane, og det har vore møte med grunneigar. Teknisk sjef orienterte om dei alternativa for omlegging som er vurdert, og peika på kva alternativ som vil gje ei framtidsretta løysing. Formannskapet ynskjer at administrasjonen utgreier ei sak som belyser prosjektering og kostnader med omlegging av røyrrettet.

Kompensasjonsmidlar/utviding av båthamn: Modalen kommune har søkt fylkeskommunen om kompensasjonsmidlar til utbetring av båthavna. Saman med tidlegare tildelte midlar har ein til saman tilskot på ca kr 300.000,- som kan nyttast i prosjektet. Dette er mindre enn det ein hadde kalkulert med, for prosjektet er kostnadsrekna til kr. 600.000,-. Saka vert lagt i bero til økonomiplanhandsaminga hausten 2017.

Oppfyljing av mogelighetsstudie Trohaugområdet: Ordføraren tok oppatt tråden frå Kommunestyret den 20.april 2017. Formannskapet slutta seg til at det ikkje er tida for å gå vidare med dette prosjektet no, og at ein fyrst bør ta i bruk dei tomtene som lett kan gjerast om til bustadtomter utan omfattande infrastruktur-tilrettelegging. Formannskapet ynskjer at administrasjonen utgreier om Sæten-området, og den delen som i dag er regulert til næringsføremål, kan gjerast om til bustadområde.

Tursti mellom Eikehaugbrua og Helland: Ordføraren orienterte om møte med grunneigarane. Dei er positive til at kommunen oppgraderer vegen til turveg, men den må likevel kunne nyttast som traktorveg, og til slep av tømmer.

Tannlege: Ordføraren orienterte om at fleire tannlegar har vore i kontakt med Masfjorden kommune og meldt si interesse for deira utlysing om tannlegepraksis. Dette betyr at det kan verte aktuelt å arbeide vidare med planar om tannlegetilbod i samarbeid med Masfjorden og evt. andre kommunar.

FOR - vedtak:

Sakene vert tekne til orientering